

OSNOVNE ČINJENICE VELIKE BOGINJE

Šta su Velike boginje?

Velike boginje predstavljaju virusno oboljenje specifično za ljude. Zadnji slučaj velikih boginja se desio u Somaliji 1977. godine.

Kako se ovo oboljenje prenosi?

Da bi se velike boginje prenijele sa jedne na drugu osobu, obično je potreban neposredan i dugotrajan kontakt. U rijetkim slučajevima se virus prenosi zračnim putem u zatvorenim prostorima poput, zgrada, autobusa i vozova. Oboljenje se prenosi sa osobe na osobu direktnim kontaktom sa zaraženim tjelesnim tekućinama. Takođe se može prenijeti i dodirrom sa zaraženim predmetima poput posteljine ili odjeće.

Ukoliko sam bio izložen velikim boginjama ili sam obolio, moram li ostati kod kuće?

Ukoliko dođete u dodir sa osobom oboljelom od velikih boginja primićete vakcinu protiv velikih boginja što je prije moguće i možda će tražiti od vas da ostanete kod kuće dok ne prođe 14 dana od dana kada ste bili izloženi zarazi. Ukoliko obolite, moraćete ostati kod kuće ili u zdravstvenoj ustanovi dok vam ne otpadnu sve kraste, a to obično traje 3-4 sedmice.

Koji su simptomi velikih boginja?

Prvi simptomi mogu biti visoka temperatura, iscrpljenost, te glavobolja i bolovi u leđima. Nakon 2 -3 dana se pojavljuje karakterističan osip, najvidljiviji na licu, rukama i nogama. Osip počinjes pojavom ravnih crvenih mjesta na koži. Ona se kasnije napune gnojem, te se početkom druge sedmice počinju stvarati kraste. Oformljene kraste počinju otpadati nakon 3 - 4 sedmice.

Kad se počinju javljati simptomi?

Simptomi se uglavnom javljaju otprilike za 12 dana, ali se bolest može pojaviti u roku od 7 - 17 dana.

Koliko dugo je neka osoba zarazna?

Zaražena osoba može prenijeti velike boginje dok ne otpadnu sve kraste, obično 21 -28 dana od pojave osipa.

Kako se liječe velike boginje?

Ne postoji dokazan lijek za velike boginje. Pacijentima sa velikim boginjama može pomoći određena terapija (intravenozna hrana, lijekovi protiv visoke temperature, bolova i itd.) i antibiotici za liječenje eventualne sekundarne infekcije bakterijama koja se može desiti.

Mogu li se ja vakcinisati protiv velikih boginja?

Rutinsko vakcinisanje protiv velikih boginja je prestalo 1972. godine. Opšte vakcinisanje stanovništva se ne proporučuje, te stoga i ne postoji. Ipak, osobi izloženoj velikim boginjama vakcinu je dostupna, a ako je data u roku od 5 dan nakon izloženosti zarazi.može ublažiti ozbiljnost bolesti ili čak spriječiti oboljenje.

Šta ako sam bio vakcinisan protiv velikih boginja?

Svako može oboliti od velikih boginja, čak i kada je u ranije u životu bio vakcinisan.

Kako moj ljekar može razlikovati velike od malih boginja?

Promjene na koži koje se javljaju kod velikih boginja se pojavljuju odjednom i izgledaju identično. Kod malih boginja te promjene se u grupama jedna za drugom. Kod velikih boginja osip je najizraženiji na licu, rukama i nogama, dok je kod malih boginja osip najizraženiji na trupu.